



# Շուշանիկ Կուրդիսյան

## Պրովետարիատին բոլոր երկրների

Ձեզ կը մնա

Կյա՛նքն էլ, բա՛խտն էլ .

Աշխատանքի արդյունքն արդար

Ու հավասար . . .

Դուք կը դառնաք

Տերը երկրի,

Որ շի՛նեն իշխող ու ճորտ,

Կամ վաճառքը մարդավայել

Տենչանքների, մարմնի, խղճի,

Մտքի, խոսքի . . .

Թող ավերվի,

Քանդվի հինը գեհենական

Իր դավերով . . .

Մովը, քաղցը, ցավը, ցուրտը,

Ախտն ու մահը լափե մարդկանց

Բյուր շարքերից անբավ գոհեր . . .

Թող գալարվի

Հառաչանքը երկրի մեջ,

Միրտ շմնա թաղ անկսկիծ . . .

Ատելության խարույկ վառվի

Հոգիներում:

Թշնամանան մարդիկ իրար,

Եվ ուրանան  
Անմեռ սուտը կրոնների . . .  
Թող հեծկլտան գիշերների  
Մթության մեջ,  
Ոչ մի ելքի հույս չշողա  
Կարոտ սրտում . . .  
Կորուստներից  
Թող բթանան ու մոլորվեն  
Տեղ չհասած  
Նրա՛նք, նրա՛նք,  
Որ դարերով ջանք են թափել  
Խանգարել ձեզ,  
Խլել ձեզնից,  
Որ կույր, անզեն՝  
Միշտ խեղճ մնաք .  
Որ կույր, անզեն՝  
Տրտունջ չհանեք,  
Չցանկանաք լինել կուշտ, գոհ,  
Մարդու նման . . .  
Ձեզ կը մնա  
Կյա՛նքն էլ, բա՛խտն էլ . . .  
Դ՛ն՛ք կերտեցիք  
Տաճարները գեղեցկության, վայելքների՝  
Արհամարհած բիրտ ուժերը  
Տարերային  
Ու տեր դարձած հաղթ բնության:  
Դ՛ն՛ք ջնջեցիք սահմանները  
Արգելքների,  
Ալ չմնաց ոչինչ հեռու,  
Ոչինչ անհաս,  
Ոչինչ անտես . . .  
Որքան արագ,  
Որքան ուժգին

Հնչեցրիք դողանջները ձեր շինարար  
Աշխատանքի,  
Վեհ աղոթքը մարմինների,  
Որքան անդուլ  
Ու անտրտունջ  
Հոգնեցրիք մկանների մտքերիդ հետ,  
Այնքան անհայտ,  
Արհամարհված  
Մնաց կյանքում  
Պահանջները ձեր միշտ արդար  
Բողոքների . . .  
Ձեզ կը մնա  
Կյա՛նքն էլ, բա՛խտն էլ . . .  
Ով աշխատեց՝  
Նա պիտի ուտե .  
Ով նվաճեց՝  
Պիտ վայելե . . .  
Այլ կերպ ապրել չեք կամենա  
Ու չեք կարող . . .  
Աշխատանքով դուք կիսեք  
Կյա՛նքն էլ, բա՛խտն էլ՝  
Հանուն սիրո՛ւ,  
Եղբայրությա՛ն,  
Ազատությա՛ն . . .

1920 թ. 1 մայիսի